



閩南語短篇小說 教師組第三名

廖董的

1

佇這個臺灣中部上大的都市，這幾冬房地產的景氣誠好，公共建設無啥物進步，毋過厝價是起甲毋是款，除了一寡好額人買會起人講的『豪宅』，濟濟領死薪水的普通人，干焦會當蹠『好窄』，所以真濟手頭有土地的人抑是重劃區的田僑仔，攞趁價數當咧齷懸的時陣買賣，向望趁一條仔大條的。

好佳哉！這座游泳健身俱樂部是早期美援的時陣，美國退伍軍人協會用足低的價數共臺灣銀行租的國有地，若無，早就賣予建商起樓仔厝趁大錢矣！也因為當初是欲提供予協防臺灣的退伍美軍使用，這個游泳池起甲誠有南方熱帶度假俱樂部的氣氛。這馬雖然美軍無佇臺灣駐守矣，毋過全款會吸引袂少外國人來遮泔水抑是曝日頭；若無，嘛有真濟阿啄仔焠臺灣女朋友穿『bikini』來遮展身材。最近閣有袂少『Russia』抑是『Ukraine』退休的舞蹈、體操選手，來遮附近的遊樂園表演，歇暍日嘛不時來遮耍，予這個游泳池閣較有異國的情調。

雖然節氣已經是立冬矣，毋過佇欲晝仔的時，日頭猶原熾甲規個人攞刺疫起來，規年迴天攞罕得缺席的阿水仔到今閣猶未來，個幸福車隊彼幾個死忠兼換帖的，那練瘡話閣那做運動，目睷仁煞不時相對游泳池邊仔遐的咧曝日頭的 Russia 抑是 Ukraine 的查某囡仔，這一切的情形，廖董的攞看在眼內，喙角嘛敢若無細膩洩漏出這個秘密，開錶仔店的阿榮拍人喝救人，大聲共伊談：「廖董的，彼金毛的婿姑娘仔毋通傷相，若是血壓閣齷懸，你賸遐濟財產，就好空著恁某囡，你是一仙五銀攞開袂著 hân !」一大陣人十喙九尻川，共廖董的談甲面仔紅絳絳，伊全款恬恬無講半句話。

雖然游泳池已經有二十冬的歷史，一寡設備有淡薄仔較舊，毋過前幾

年捌重翻修過，而且閣有室內溫水池恰戶外池，嘛有『SPA』、三溫暖、健身房，閣有真開闊的停車場，這幾年的會員費雖然逐年攏咧起價，親像幸福車隊彼幾個已經慣勢來遮消磨時間的，喙裡唸罔唸，會員卡嘛是繼續辦落去。廖董的開始佇遮出現，嘛差不多有六、七冬矣！拄開始，伊騎一臺囡仔車改裝的三輪仔，頭前恰後壁攏黏兩塊『CD』做反光片，倒跔、倒手無蓋方便，袂輸拄中風過的款。

廖董的來游泳池毋捌落去泗水，伊毋是恬恬坐佇涼亭仔聽阿水仔個彼幾個泡茶兼話仙，就是入去『SPA』池做水療。其實，阿水仔個彼陣嘛有誠濟人罕得落去游泳池，個比廖董的加做的就是去三溫暖烘予拚大汗，因為廖董的捌中風過，所以毋敢入去三溫暖，驚溫度傷懸會共血管閣焮破去。

予阿榮談一下歹勢、歹勢的廖董的，雖然毋敢閣一直相對椰子樹跔的鬘椅遐，毋過伊今仔日一直咧等阿水仔，難免嘛會看著遐的穿『bikini』的金毛嬌姑娘仔，相咧、相咧，廖董的就會佇心內浮出一種微微仔酸甘甜、酸甘甜的感覺：青春正當時……少年誠好……。

「奇怪！都欲晝矣，阿水仔那猶未來？」廖董的會來加入這個游泳池的會員，是阿水仔介紹的。阿水仔個老爸恰廖董的是囡仔伴，阿水仔個老爸當年佇庄跔開簸仔店的時，土地是共廖董的個兜稅的。這馬阿水仔個兜的「幸福商店」已經有幾若間分店，包括批發恰小賣，一年的營業額欲上億，這是廖董的當初想袂著的。雖然廖董的恰阿水仔個老爸是全沿的，毋過佇游泳池遮無咧分年歲大細，毋是我叫你董的、就是你叫我某乜兄，叫到尾仔「董的一大堆、大哥滿四界」，逐個你兄我弟，嘛真趣味！

「廖董的，來啲茶啦！這大禹嶺的春仔茶，上鮮的喔！」對營造業退休的施董的那泡茶那招呼廖董的，伊是這個「游泳池茶店仔」的店主，嘛是個幸福車隊的精神領袖。聽講伊當年佇一個政府的公共工程的意外當中，予na-ma-kong埋入去塗底幾若點鐘，佳哉！無定伊頂世人燒好香，尾仔閣有救出來，毋過皮膚予紅毛塗燙甲誠嚴重，後來雖然復健的狀況袂稔，毋過伊的尻脊骻恰手股頭猶閣看會著燙傷的痕跡，所以施董的平常時嘛罕得落水，不時佇涼亭仔泡茶，沓沓仔逐家就封伊做「游泳池茶店仔」的店主。

當廖董的手裡提彼甌春仔茶，無意無意閣相對椰子樹跔的鬘椅遐，看著遐的金毛姑娘仔，敢若發現茶店仔遮的老豬哥攏咧共個偷相，毋知敢

是外國人較好膽，閣刁工佇鬚椅頂倒做「大」字形，攏無咧驚人看全款！一陣人有的假無意咧摸『單槓』，目睷嘛相對椰子樹跂；有的喙咧啖茶，目睷尾嘛是看對鬚椅遐；較大範的就規氣共看予詳細，閣會共遐的「金絲貓」呼噓噓仔哩！

「大志仔，敢好矣？好就欲來轉矣！」就佇廖董的心內閣浮出彼種微微仔酸甜的感覺的時，個某煞共伊對青春正當時的幻想當中摸轉來現實的世界。

「董娘仔，來啖茶啦！」施董的無論對啥物人攏真客氣，就算是拄見面的人，伊嘛攏叫人某乜董的。「恁廖董的拄才坐燒爾爾，來陪伊啖這上鮮的春仔茶啦！」

廖董的個某看起來無成啥物董事長夫人，顛倒較成庄跂彼款規世人攏咧做穡的查某人，雖然曝甲烏焦瘦，毋過體格袂稜、閣誠有精神。講起來廖董的嘛毋是啥物董事長，伊規世人嘛攏咧做穡，落尾個兜的田園[予人](hǒng)畫入去重劃區，個兄弟仔五个隨人分著的田地本來價數是算「甲」的，重劃了後是算「坪」的，會使講是正港的田僑仔。原本做穡一世人嘛毋捌想著有一日會變成好額人，這馬逐家攏叫伊「董的」，廖董的想到遮煞忍袂牢，喙角閣微微仔笑，想起椰子樹跂遐的青春少年時.....，實在誠好！

「施董的，你毋通按呢共阮叫啦！阮兜是做穡人，阮頭家嘛毋是啥物董的，我嘛毋是啥物董娘仔，會歹勢啦！」婦人人一甌茶拄啖煞就共杯仔洗清氣，翁婿牽咧、越頭就欲行，毋知是驚伊這個古意的翁婿予施董的個彼陣人恁歹去，抑是袂慣勢和遐的食飽取迢迢的人交陪？

「廖大志？了大錢！董娘仔，毋通按呢叫恁翁啦，叫久會衰瀟啦，愛叫伊趁大錢，毋通叫伊了大錢啦！」開錶仔店的阿榮誠愛揣人的話骨共人談，廖董的個某予弄一下笑甲喙仔裂獅獅。

就佇逐家嘻嘻嘩嘩的笑聲當中，阿水仔頭犁犁、揸伊彼跂『LV』的皮包仔恬恬行倚來，廖董的親像有啥物要緊的代誌欲共問，看個某佇邊仔煞共話吞落去，倒手予伊牽咧、無意中閣相對椰子樹跂、金頭毛的婿姑娘遐，閣予伊想起青春誠好的感覺.....。

2

自幾若工前佇游泳池看著阿水仔了後，伊已經欲規禮拜毋捌來佢遮的朋友泡茶、開講矣！後來聽施董的講才知：原來頂一站仔新聞咧報講有一寡無良心的生理人，共遐的工業用的塑化劑、毒澱粉摻入去糖仔餅、飲料、卵捲內底，食了毋但對大人有敗害，甚至閣會害困仔人「性早熟」傷早進入青春期。阿水仔個店裡敢若有賣袂少這款商品，這幾工予新聞報著，生理裡甲咧欲蠟閣無要緊，閣有真濟人客食甲賭一、兩塊餅幼仔，嘛欲提來退全額的錢，予阿水仔頭殼摺咧燒，那有彼个美國時間來遮摸飛？

這幾冬來，阿水仔個老爸共事業交予伊了後，因為阿水仔交陪真闊、喙水閣好，生理愈做愈大。毋但分店一間繼一間開，業績嘛是削削叫，趁甲褲袋仔飽溘溘，規氣共總店攞予個某發落，分店予個其他的小弟顧，家己除了走一寡大攤的生理以外，袂輸若閒人仝款，規工守佇游泳池，落尾閣綴時行佢遐的你兄我弟，組一个跔踏車隊。因為個便若欲去較遠的郊區騎車，若嫌市內的空氣無好，誠慷慨的阿水仔就共個店裡的貨車的車斗改裝做園鐵馬的車架仔，規車載去郊區才開始騎。予逐家毋但會當享受佇庄跔騎鐵馬欣賞風景的待遇，閣免佇市區軟遐的垃圾空氣，所以就共車隊名號做「幸福車隊」，感謝阿水仔的「幸福商店」對這陣車友的貢獻。

「幸福車隊」的車友大部分攞是游泳池遐的泡茶、開講組的，個毋是開店做生理、就是中小企業的頭家，若無就是退休的公教人員；個毋是有錢就是有閒，若無就是有钱閣有閒。阿水仔廣交閣喙水好，逐家捷伊做隊長，施董的做人親切閣勢共人褒嗦，就變成個的精神領袖。雖然講這陣人敢若規工閒閒無代誌，毋過佇咧交陪、盤擱的過程中，有當時仔嘛會互相介紹生理，抑是培養人脈，對家己的事業嘛有誠大的幫助。

廖董的相連繼幾若工攞無看著阿水仔，心情是愈來愈著急，毋但施董的泡伊上愛的東方美人茶，嚇甲無滋無味，連鬘椅頂的婿姑娘仔，伊嘛無咧共注意矣！

「廖董的，你今仔日無正常哦，恁某佇室內池泗水，你無趁機會共金毛的看予過癮，等恁某出來遮嚇茶，你就『no sut』！」錶仔榮上愛共廖董的創治，定定該伊咧看婿姑娘的代誌。

普通時廖董的若予阿榮談，攞會面仔紅紅，笑甲歹勢歹勢。啊毋過這工無仝款，廖董的一直咧想講，頂擺阿水仔欲共伊介紹，想欲買伊的土

地的人，哪攏無消無息？這馬伊的店內閣遇著遐濟風波，敢會共伊的代誌袂記得了了矣？離伊共組仔頭阿銘拜託寬限的日子愈來愈倚，愈想是愈著急，倒跲佢倒手規个攏硬掙硬掙！

「水董的，誠久無見，來哈燒茶啦，今仔日是你上愛的東方美人喔！」施董的就是遮爾勢共人招呼，無論啥人毋是兄就是哥，若無就是董的。

一聽著施董的咧喝阿水仔的聲音，廖董的越頭的速度一點仔都無成捌中風過的人，無定是伊心內某種強烈的向望使伊的動作變甲真猛掠？

「按怎？遐的麻煩的工課處理甲差不多矣猶未？」施董的誠勢共人關心，但是閣袂予人壓力的話語，莫怪伊人緣袂稔！

「有啦！風聲較平靜啊，這兩工嘛較無人來店裡退貨矣！而且阮店內誠濟貨經過檢驗，大部份攏有符合政府的標準，彼是前幾工仔新聞臺逐工一直『重播』仝款的畫面，毋才會逐家驚甲啥物攏毋敢食，實在有較謙啦！」阿水仔繼手拈一支薰起來點。

「對啦！咱臺灣人毋管好額抑是散食，蹠佇臺灣除非你會當免食、免咁閣免軟空氣，若無逐項攏有毒，上好去做仙啦！阿水仔個兜摻遐的無算過份啦，咱鐵馬較捷騎咧，加流一寡汗，毒素毋才排會出來！」印刷工廠的頭家雄哥那講閣共阿水仔副洗一下。

「咦？廖董的，我來遮久攏無聽著你的聲，你又閣咧偷相金毛的hoonh？」阿水仔的口才一向真好，這馬伊茶那咁、薰那嘍，閣會佢人講耍笑，定著無代誌矣。

「阿水仔，頂回你講的彼件……阮的土地……」廖董的規世人咧做稽，罕得佢人交陪，佇心內想幾若百擺的話嘛講袂順，講到一半就歹勢歹勢掠阿水仔金金相，敢若按呢阿水仔就知影伊的意思矣。

「叔仔，你毋通按呢共我相嘿，我毋是椰子樹跋遐的金毛的，雖然你這馬是田僑仔，毋過我對查埔的無興趣喔！」廖董的佢阿水仔個老爸是囡仔伴，論真閣大個老爸幾若個月哩！遮的食飽迤迤的閒人看廖董的古意，不時愛共變，伊知影家已無喙水、遐的朋友嘛無歹意，就據在個談，毋捌共應喙應舌。

看廖董的無應話閣真著急的款，阿水仔家已煞歹勢起來，趕緊斟茶共伊會失禮：「叔仔，你毋好共阮老的投嘿，無伊會罵我無大無細呢！你安啦，我今仔日就是欲揣你講土地的代誌，阮朋友已經有回消息，你咧欲大

船入港矣！」

施董的、阿榮、雄哥、昭兄、昆方仔，一大陣朋友聽著「大船入港」，隨佇邊仔讚聲：「廖董的大船入港，愛請哦！來璇石皇宮辦一桌粉味的，予逐家開臊一下！」廖董的毋捌予人棧咧辦桌請客，歹勢甲無法度應話。

「免啦！阮朋友講這攤若有成，伊欲請阮叔仔去金錢豹做皇帝，咱遮的兄弟才做陪賓，佇邊仔做員外就好！」阿水仔敢若早就安排好勢，只是刁故意欲共廖董的 tùn-tenn 一下，逐家喙笑目笑，閣有攤通好淋矣，遮的兄弟毋但是車友，更加是酒友！

廖董的聽著阿水仔的好消息，佇心肝頭愧規半個月的酒斫仔才袂閣佇遐幌仔幌，便若想著組仔頭阿銘尻脊駢刺的彼隻虎，廖董的就會起交慍恂，當初欠的成百萬已經絞到幾若百萬，閣無還就愛跳樓矣！

3

廖董的翁仔某，幾若十年攏佇田裡做穡，毋捌佇外口揮，個某對翁婿嘛互相信任，無咧問伊的行蹤。自從廖董的中風了後，個某誠骨力恁伊去復健，閣定定陪伊去游泳池做『SPA』，會使講恢復了袂稔，只賸行路小可仔跛跛爾爾，閣會使騎三輪仔四界趟。逐家攏呵佬個某誠賢慧，少年陪伊做穡、照顧老歲仔、晟養序細，逐個囡仔攏栽培到國立大學畢業，實在真無簡單！遮的後生、查某囡這馬攏佇臺北食頭路，無欲轉來佻老的蹠矣。嘛因為按呢，廖董的翁某才參詳欲共重劃區的一部分土地賣掉，通好贊助個囡仔臺北買厝，若無，臺北的厝貴參參，少年人哪負擔會起？

拜六這工的下晡三、四點仔，廖董的就共個某講欲去游泳池做『SPA』，暗頭仔牽猴許的講欲請伊佻阿水仔食飯，順繼講土地買賣的代誌。個某顧咧煮暗頓，彼暗個孤查某囡欲恁朋友來厝裡迤迤，做老母的歡頭喜面，特別攢甲誠豐沛，煞無咧張持翁婿欲出門的代誌。

欲出門的時，廖董的也歡喜也歹勢，毋知欲按怎共個某拍招呼，規氣就欲出門矣，個某煞雄雄喝一聲：「大志啊！你是捌中風的人，酒毋通淋傷濟嘿！若會使，上好莫淋啦！」

「我知，袂啦！」廖董的以早咧做穡的時，暗時欲睏攏會斟一甌幌頭仔罔啣，個某感覺伊會中風就是長期咧淋燒酒的關係。毋過，除了蹠院彼幾工以外，出院無佻久就閣開始淋，伊知影欲叫個翁改酒，誠慝矣！

事實上，廖董的中風了後嘛著生驚，出院以後嘛知影愛較搏節咧，毋敢閣定定咁，攞是有人招才佢人罔趣味一下。伊今仔日會感覺歹勢，是驚予個某知影伊欲去咁粉味的，煞共騙講欲去食魚翅佢鮑魚，個某無懷疑，伊顛倒感覺嚨喉若卡著啥物刺全款？

佇游泳池的『SPA』浸無幾分鐘，廖董的就一直問阿水仔幾點矣？自個兜的土地重劃了後，就有朋友招伊去彼種公棧的『卡拉OK』咁酒，雖然嘛有小姐坐棧，個朋友無定是較捷咧行彼種所在，就準講生份人目睷咧看，對姑娘仔全款跋來手來，掌甲誠爽快！廖董的罕得去、個性閣閉思，婿姑娘坐跔邊仔，一雙手嘛毋知欲困佢位？行過幾擺彼種坐公棧的店了後，伊感覺家己「看有食無干焦癮，親像佛祖炆油煙」，嘛袂愛去矣！

啊今仔日無全款呢！金錢豹是這個都市上有名的酒店，毋但全臺灣有名，聽講連日本人、阿六仔，甚至阿啄仔嘛攞來「觀光」呢！而且若土地賣好價，後擺免人請嘛會當家己來，無的確會較自在，嘛免驚歹勢！

「阿水仔，你誠勢做生理呢，一間糖仔餅店予你做甲遮趁錢、閣開遮濟間分店，莫怪會當駛免摠的『Benz汽車』呢，高級車就是無全款！」廖董的坐佇車內遮掌一下、遐摸一下，袂輸好玄的困仔，逐項攞真趣味！

「叔仔，你土地劃一角仔來賣，就比阮做甲欲歪腰，加真好空矣！這回若牽有成，我報你共阮咧賣『Benz』的朋友交關，我叫伊予你一個『special』的價數，包準你滿意！」阿水仔有影誠活掠，拄牽廖董的賣土地，猶未成交咧就欲閣招伊共朋友買好車。

廖董的佇游泳池遮出入遐濟冬，不時看著一寡會員咧換新車、揸高級皮包、掛「露螺的」錶仔，伊是一點仔都袂欣羨，因為伊跋無方便，駛『法拉利』嘛無效；做穡一世人嘛罕得掛錶仔；加薦仔揸規世人嘛比啥物LV包較好用！獨獨燒酒佢婿姑娘這兩味，伊是不止仔興，久無沐閣會癮呢！所以自兩禮拜前牽猴許的央阿水仔替伊招廖董的欲去酒店揣粉味的，伊是硬忍耐的呢，無早就笑甲喙仔黏袂倚矣！

阿水仔的「免摠的」一駛到酒店頭前，遐的制服穿甲誠擊紮的少爺就真整齊的喝：『歡迎光臨！』車拄停好勢就有人替個開車門，閣共手開佇車門框頂懸，驚個的頭去拚著。阿水仔常在咧行踏這款場所，無啥稀罕，廖董的捌佇電視頂看著總統抑是行政院長遐的大官虎欲上車、落車的時，才有這種待遇，想袂到伊一個規世人干焦知影做穡的庄跋佢，嘛會當享受

著這款滋味！

一行入到大廳，穿甲妖嬌美麗的青春女性滿四界，嘛有彼旗袍開裾到大腿的嬌姑娘佇咧包廂出出入入，閣有五官真深、親像和外國仔透濫的『混血兒』查某囡仔，戲齣內底咧講的『鶯鶯燕燕』就是這個情形啦！阿水共廖董的扶咧沓沓仔行，就有一个三十捅歲、看起來姿色誠嬌閣有淡薄仔劈跔的「大班」『Lily』倚過來阿水仔身軀邊司奶，胸前閣不時捋著阿水仔的手，袂輸刁持的全款，廖董的一切攏看在眼內。

這種風月場所阿水仔定定咧斲，大風大湧嘛攏捌經歷過，已經袂暈船矣。伊共『Lily』使一个目尾，介紹廖董的予熟似：這廖董的是咱七期、八期的大地主，連後擺欲開發的十三期高鐵特區，伊嘛有土地哦！恁下昏共案予四序，後擺定定來共恁交關，你生理就做袂煞矣！『Lily』這種小姐佇迤迤場所會當生存遐久，當然嘛知影真濟話是三分真、七分假，袂當傷當真。毋過，伊看廖董的穿插普普仔閣有淡薄仔庄跔人的氣味，阿水仔閣對伊扶扶挺挺，對伊較好禮咧絕對無毋著！

因為彼工咧招欲淋粉味的時，游泳池遐的兄弟就攏喝聲欲綴矣，牽猴許的恰個嘛有來往，所以就訂一間大包廂。廖董的一踏入去隨驚一越，頭尾兩引壁頂有兩台 72 吋的『LED』電視，閣會當坐二十外个人，裝潢甲足成五星級的大飯店，予伊看甲喙開開！心內佇咧想：牽猴仔敢有遮好趁？抑是我價數開傷低？

牽猴許的恰個包廂內底一看著廖董的、阿水仔恰個彼陣兄弟，頭頤袂煞、腰彎袂停，逐個攏叫董的，有影是會死會活的生理人。眾人拄坐定，『Lily』就恁一大陣嬌姑娘入來，若咧選美大會全款，有的妖嬌美麗，有的目矚圓輾輾，予人想欲共伊惜惜；有的氣質不凡，看著予人感覺心情真爽快！進前牽猴許的恰阿水仔有交代：廖董的是今仔日的主賓，小姐愛予伊先揀。『Lily』嘛刁持共查某囡仔恁來廖董的面前，雖然嬌姑娘仔一大堆，逐家攏毋敢出聲點小姐，假無意咧淋酒、喝拳，毋過目尾加減會佇遐的小姐身上翹玲瓏。孔子講：「食色，性也！」一點仔都無毋著。

廖董的透世人毋捌行過遮高級的迤迤場所，逐個小姐嘛嬌噹噹、無論胖奶抑是膨皮閣古錐，逐個嘛看甲真恰意，可惜毋是真正咧做皇帝，若無足想欲加揀幾個來坐佇身軀邊。目矚翹來翹去、選規晷久閣猶未決定的時，阿水仔上知影個叔仔的輕重，隨揀一个敢若『混血兒』的金頭毛的和

一个身懸欲 170 公分、五官真深的姑娘，『Lily』用眼神咧問廖董的敢有滿意，伊干焦一直頓頭，歡喜甲講袂出半句話。

身邊兩個小姐拄坐定，隨用個充滿溫度、軟飴的身軀共廖董的鞅甲經，雖然喘氣袂蓋順，毋過心肝鼓撲撲恂，規个人嘛綴咧青春起來。自幾冬前中風，去閻羅王遐楚一輾了後，廖董的淋燒酒加足擲節，毋敢淋甲超磅。若無，遮的土地價數當夯懸，猶未賣掉趁大錢，猶未好好仔來享受人生，敢毋是誠毋值？

眾兄弟傍廖董的福氣，隨个仔隨个來共伊敬酒，遐的小姐知影伊是主客，嘛綴咧共伊敬，無形中毋知淋佻濟矣，加上身邊兩個美女咧司奶，酒精的作用更加明顯，廖董的肚臍下跤開始有一屑仔奇妙的變化，原本雙手毋知欲園佗位，這馬真自然就開始佇溫柔的女體掌來掌去，看個無啥反抗的意思，廖董的膽頭愈在，真正咧享受淋粉味的感覺矣。有影都著，一寡人性的本能是毋免人教的。

「廖董的，我遮有一个買主有意思欲買你的土地，毋過你嘛知，房地產已經起幾仔冬矣，這站仔行情有較軟，伊驚共你買懸價，後擺建案推出的時，厝價訂傷懸顛倒歹賣，看你價數會當放較軟咧無？」看廖董的淋甲誠享受的款，牽猴許的掠準時機佻伊講土地買賣的代誌。

「價數若莫差傷濟，一切攞好參詳啦！」拄入來包廂的時，廖董的閣咧懷疑牽猴許的無定會趁差價？抑是家己價錢開傷低？這馬伊正手攬一个、倒手掌一个，已經攞袂記得了了矣。

彼暗，廖董的這世人，頭一擺知影淋粉味的閣繼攤是啥物滋味？酒店的酒錢、包廂、檯費、桌面，分予小姐、公主、少爺的小費，連伊恁小姐出場、過暝的錢，嘛攞是牽猴許的請。予眾人扶扶挺挺的感覺，予廖董的無佻方便的倒手引，血路加真通順！彼暝，廖董的共金頭毛的『混血兒』恁出場，閣共伊的時間貿到隔轉工透早，予伊佻金毛的「鬥陣」的美夢成真！

4

「阿秀，我下晡去游泳池『SPA』了後，欲佻阿水仔個去食飯，暗時會較晏轉來！」最近廖董的膽頭愈來愈在，講白賊嘛袂咬舌矣！毋過，自頂擺去酒店淋粉味的閣包小姐出場到隔轉工了後，個牽手已經規半個月無愛佻伊講話矣。廖董的翁某結婚欲 40 年，伊算是古意閣老實，以早佇厝

裡會啲淡薄仔燒酒，嘛無啥物歹習慣。若欲講就是對男女之間彼件代誌較興小可，毋才會生甲五个後生、查某困。連中風復健無佬久，暗時仔咧睏就會共個某招。伊為著翁婿的健康設想，不時揣理由共推辭，煞袂當得著對方的諒解，伊實在想無：彼件代誌敢有遐趣味？豈會食甲欲六十閣捌中風的人，閣會興頤頤？

彼擺天光了後，阿水仔駛『Benz』的，佻牽猴許的做伙共廖董的載轉來，閣共董娘仔解說：彼暗逐家攏啲甲誠歡喜，因為逐家攏食酒醉矣，驚予警察掠著酒後駛車，毋但愛罰錢、閣愛以公共危險罪起訴，為著安全起見，個就佇『卡拉OK』睏甲退酒才轉來。廖董的個某雖然毋捌看過世面，猶知影欲共翁婿留面子，明知彼種嚟湍話連困仔人嘛騙袂得過，伊仝款好聲好說共遐的酒肉朋友相借問，無歹面相看！毋過，伊佇心內咧拍算無愛插個翁矣：伊若佇外口烏白舞，穢一寡仔癩癩病轉來是欲按怎？

「大志啊！人若食老就愛認老，做序大嘛愛有序大的款，通好予序細學。毋通食老才花膏膏，會卸世卸眾啥？」做翁某遐濟年，喙講無愛插伊嘛是忍袂牢共吩咐幾句仔話。

「我知！……我知……」廖董的愈應愈細聲，足成做毋著代誌的困仔予老母惹惹唸，想欲應喙煞毋敢的款。

出門了後，廖董的三輪仔踏無幾條街路，伊就揣一个揸貼的幹角共三輪車停好勢，等牽猴許的駛伊的『Lexus 休旅車』來載伊。廖董的規世人毋捌食著臊，一沐著煞食牢咧，自頂回牽猴許的請伊彼攤了後，伊不時揣阿水仔佻牽猴許的閣去揣伊的「女朋友」。阿水仔佻牽猴許的攏是常在佇男女慾望的船頂咧走跳的人，哪有可能定定陪廖董的去迤迤？何況，頂擺是啲生理的，啊這馬是欲啲啥物名義的？

雖然廖董的土地若成交，牽猴許的會當趁袂少，而且伊閣替買方趁廖董的顧咧掌查某困仔的時，共價數剝袂少，對方閣會加予趁一條『khoo-mi-sióng』，應該講，大船入港的人是牽猴許的，毋是廖董的；牽個熟似的阿水仔嘛會趁著一條細條的，會當去酒店蹺幾若擺。毋過，生理場本來就是成本計算上重要，既然生理做甲差不多，就無必要閣開錢請人開查某矣。所以，招兩、三遍了後，阿水仔佻牽猴許的就無啥愛陪廖董的閣去啲粉味的，甚至會共廖董的唉無錢：「叔仔，阮毋是像你是大地主，清彩割一塊去賣就啲甲毋知人，阮愛做工課才有通食呢？」

「無啦，我無欲閣予恁請啦，恁佢酒店較熟，共個講一下，先予我簽，等賣地的錢入數，我就會當納予清矣！」廖董的親像去食著嗎啡，已經剝袂離矣！就按呢，廖董的漸漸變成彼間酒店的老主顧，游泳池遐的朋友擺咧風聲：金錢豹大廳的柱仔有一枝是廖董的鞏的。

有一工下晡五點外，天猶未完全暗落來，廖董的就慄慄掣敲電話予牽猴許的，看號碼是廖董的，牽猴許的無啥愛插伊，心內咧想：生理已經成交閣不時招欲淋酒，做人閣有砢砢，去金錢豹閣淋各一的，也無想講賣一塊地趁遐濟錢，敢毋免提一寡來請？

牽猴許的無接電話，廖董的隨趕緊敲予阿水仔：「阿水仔，你敢毋是佢彼間酒店有熟似？個這幾日逐工敲手機仔咧共我催前幾個月的數，今仔日我刁持無愛接手機仔，個彼个經理煞敲去阮兜，佳哉無講是酒店，若無予阮某知影我就皮愛繃予經啊，你敢會使叫個予我小限一下，閣過一陣仔才還？」

「叔仔，你嘛傷讞矣，咱查埔人出來迢迢是有時有陣，哪有人像你按呢，親像咧奔女朋友全款，不時就去遐做孝子，較濟錢嘛無夠開！」阿水仔雖然是序細，毋過伊佇娛樂場所滾絞遐濟冬，早就練好一套袂暈船的功夫。

「這馬你閣差個佻濟錢？若無蓋濟我閣會當共個講一下，若差傷濟個是無咧管你啥物董的，本票就提出來叫你簽矣，若到簽本票的地步，個就叫穿烏衫的來處理，無啥物人情通好講矣！」阿水仔佇電話彼頭那講，廖董的愈聽目頭愈結，心肝頭若拍幾若十个死結，胸坎規个經起來，連軟氣嘛袂順。

「頂回彼塊地賣 3000 外萬，到簽約為止我提著 900 外萬，還進前欠六合彩的組仔頭銘哥的連本帶利 400 外萬，閣這站仔去「遐」開現金的，賭較無成百萬，毋過簽的數閣差兩、三百！」廖董的擺佇電話中用「遐」代表酒店。

「尾款閣 2000 外萬入來就無問題矣，你咧驚啥？」阿水仔想講個叔仔哪會遐緊張？

「你毋知啦，阮某會答應我賣地就是欲予阮五个囡仔一人分 500 萬，贊助個佇臺北買厝，這馬遐的尾款擺拍死矣，袂動得 (tsit)！」廖董的愈講愈鬱卒，聲音嘛愈來愈細，倒跤、倒手擺挽脈起來！

「叔仔，你嘛算好運呢，組仔頭銘哥是迢迢底的，你欠伊遐濟年的數

攞無共你催喔？」阿水仔早就知影組仔頭阿銘咧數想廖董的土地，毋才會刁故意予伊筊數欠遐久，通好利息愈絞愈濟，予伊永遠還袂了。

「就是按呢，毋才會利上加利，成百萬已經絞到幾若百萬！」自從廖董的土地重劃了後，組仔頭阿銘就不時叫人報「明牌」予伊簽，落尾連政府辦的公益彩券，嘛有人報「明牌」予簽，才會愈簽愈大。抑若攞毋捌中獎，無定廖董的就袂想欲閣簽，就是捌予伊著過幾十萬的獎，伊才會心肝愈來愈大，愈簽欠愈濟。

「按呢無步矣，你土地遐濟塊，只好閣割一角仔來還數。無者，若予穿烏衫的上門，恁董娘仔會擲刀共你刮哦！」阿水仔袂輸早就替廖董的拍算好勢矣。

「……，無嘛好，閣拜託恁朋友許的來處理，我看伊人面誠闊，若急欲賣愛揣伊看會當較緊成交無？」廖董的想一睏仔才應話。伊的人生，簽六合彩會食著咧，淋粉味的嘛會食著咧，連賣土地嘛敢若雙腳踏著浦田，愈踏愈深，規個人攞陷入去絕境全款。

5

又閣是霓虹燈閃閃爍爍的暗暝，中臺灣這個文化城的名聲已經予酒店的數量恰知名度代替，成做風月場所的代名詞。廖董的這規半年以來，行這種所在已經慣勢閣自然，毋免阿水仔恰牽猴許的炆頭，伊家已坐計程車來到門前，全款有服務生佇頭前大聲喝：『歡迎光臨，廖董您好，今天幾位？』廖董的這幾個月慳酒家若咧行炆頭，已經行甲連服務生都捌伊矣！

自從阿水仔敲電話共牽猴許的報廖董的欲閣賣土地的消息以後，這幾工牽猴許的逐工揣理由敲手機仔共伊請安，無就是欲招伊淋酒。廖董的雖然知影「牽猴仔」難免較現實，毋過總算對人性加真了解矣！

一入去包廂了後，阿水仔恰牽猴許的全款招呼眾兄弟好好仔享受，個這陣食飽取迺迺的朋友，便若有燒酒攤、粉味攤，攞若像好鼻獅全款，家己鼻味就會倚過來。廖董的知影是牽猴許的欲請客，伊做一个順水人情嘛無要緊，一大陣男男女女佇包廂內底，淋酒、喝拳、嘻嘻嘩嘩，歡喜甲毋知人！

正當廖董的開喙欲問牽猴許的土地買賣的代誌，包廂門拍開，看著媽媽桑『LiLy』共組仔頭銘哥的手扳牢牢，若像男女朋友恰眾人拍招呼，袂輸銘哥和『LiLy』才是這個酒攤的主人。廖董的心內當咧僥疑的時，阿水

仔、施董的、牽猴許的、雄哥、阿榮個一大堆人攞真謹慎，主動倚起來共銘哥敬酒，敢若個早就知銘哥會來的款！

「廖董的，我頂幾工聽許的講起，你最近手頭有較經，為著欲還我進前的數，趕欲共土地賣掉，敢有影？」阿銘少年的時捌加入幫派，嘛捌替老大的擔罪，入去籠仔內關幾若冬，毋過這馬聽伊講話攞無任何遲遲人的氣口。

無予廖董的開喙，銘哥酒甌仔捺咧共逐家敬一下，閣繼咧講：「我阿銘這幾冬攞咧做正正當當的生理，毋捌[予人] (hǒng) 講逼人還數的代誌，啊若你廖董的欠用錢，我會當閣予你限一站仔，袂予你歹做人！當然，你若別位閣有欠數，趕欲處理掉，我嘛會當共你鬥相共，你看好無？」

「著啦！彼工你拜託阿水仔敲電話予我的時，我拄好佇銘哥店裡咧泡茶，伊聽著了後感覺真袂得過，所以堅持講今仔日這攤攞伊欲請，一方面共你會失禮，另一方面想看覓咧，看有替你解決的辦法無？」牽猴許的講話好聽閣袂跳針，若像銘哥是救苦救難的觀世音菩薩哩！

「是啦，聽講銘哥最近欲佻咱市內一間有名的建商合作揀一个大型的建案，拄好彼塊建地邊仔就是廖董的你的土地，若準會當做較四正的土地，到時起的大樓價數會閣較好！」阿水仔的氣口佻牽猴許的配合起來，袂輸童乩佻桌頭仝款。

就佇銘哥佻牽猴許的、阿水仔輪流咧共廖董的洗腦的時，毋但包廂內底坐檯的小姐愈來愈濟，一寡無熟似、穿烏衫的少年家，嘛共包廂峽甲實攢攢，予廖董的感覺連軟氣都困難，想欲趕緊離開這個往擺伊上愛去的所在！

自從中風了後，廖董的酒量就退誠濟矣，若毋是欲啣粉味的，伊是無啥愛來這個所在呢！就佇眾人隨个仔隨个共伊敬酒的時陣，廖董的若發現足大的祕密仝款：阿水仔、施董的、牽猴許的、雄哥、阿榮、昭哥、昆方仔遮的好朋友親像攞佻銘哥熟似真久矣，尤其酒啣愈濟，遐的假仙假觸的痲鬼仔殼就攞擲揸揸，看著這個情形，廖董的煞愈來愈清醒，啥物「叔仔」、「董的」、「啥物「兄弟」，一切攞是錢伯仔咧做人！

就佇酒精佻粉味的同齊作用的情形下，照理講廖董的應該啣甲馬西馬西矣，毋過伊煞比伊中風進前閣較精神。但是面前的數若無處理好勢，銘哥無袂放伊煞，酒店嘛袂予伊好食睏，看著牽猴許的共土地買賣契約書提出來的時，廖董的真『a-sah-lih』就共簽落去，其實銘哥予伊的價數嘛袂糶，無共伊偏傷濟，伊只是感覺：自頭到尾，家己若一个傀儡尪仔，據在

人咧弄！

名一簽好勢，銘哥招眾人向廖董的敬酒，逐家大聲共伊恭喜：「廖董的，這擺這隻船是『航空母艦』喔！毋但臺中港貯袂落，恐驚高雄港嘛貯袂落啦！」

「廖董的，這改毋但會當咁金錢豹，閣會當咁璇石豹矣！」

「廖董的，你閣會當定來遮做皇帝矣！恭喜喔！」

「廖董的，你這馬連娶細姨嘛有資格矣！恁董娘仔若傷假痲就共休掉，免驚伊矣！」

「眾人馬尿若咁濟就開始練痲話，莫怪阮阿秀仔攞講酒若馬尿哩，有啥物通好咁的？」廖董的煞雄雄想起個牽手講「酒若馬尿」的代誌，感覺有一寡仔愛笑，個某毋捌咁過馬尿，哪知影「酒若馬尿」？

就佇逐家酒脾當開的時，廖董的青磅白磅就倚起來，雙手抱拳若古早的武林俠客咧共人告辭：「銘哥，恁逐家沓沓仔咁，我今仔日誠忝，欲較早轉去歇暍，失陪！」

「廖董的，慢且咧，等一下閣有你上俗意的、共小姐恁出去暍，你敢無愛？」毋管眾人佇後壁大聲喝咁，廖董的只想欲較緊轉去，而且伊決定欲共土地攞過予個某，永遠袂癮閣做啥物董的矣！

作者感言



黃文俊 臺中市何厝國小教務主任

感謝所有牽教我使用母語創作的人：阮阿母，自我細漢就講真濟誠有智慧的臺語俗諺，共阮這陣囡兒序細鼓勵，予阮佇散赤的環境中，猶原有向上拍拚的意志；原本的臺中市本土語言輔導團何志平校長佺秀娟、孟宜、純瑩、蘇玲這幾個好朋友互相鼓勵、互相扶持，予我佇母語文學創作的道路上，愈行愈堅定！

現此時，母語文學的創作是一條較少人咧

行的路，路上有真濟坎坎坷坷愛去面對，創作的人真少、咧閱讀的人嘛無蓋濟，向望有一工，阮若閣參加比賽，欲著獎是愈來愈困難，按呢就代表本土語言文學的創作，已經行出一條有前途的大路。

歡迎所有對本土語言的復振有使命感的人，逐家做伙來，加入母語文學創作的行列！喙講父母話，手寫臺灣文！